

TEZAUUR LITURGIC

4 IULIE

**ACATISTUL
SF. MUCENIC
ALEXIE
NICOLAEVICI
DE LA
MOSCOVA**



MOSCOVA, 2000



Акафист святому великомученику благоверному царевичу Алексию

Кондак 1

Избранный воеводо ополчения, како возможем
воззрети на тя, о чистоты источниче, страстьми
и злобами нашими погребенны суще, но яко
имущий венцы терпения, сострадания и
кротости, подаждь нам крепость твою, да поем
ти:

Радуйся, царевиче Алексие, защитниче теплый
целомудрия.

Икос 1

Ангелом предстателем за землю твою послан был
еси ты Серафимом Божиим народу твоему.

Онъй же столпник саровский провидя житие
твое, ужасашеся, царевичу зовый таковая:

Радуйся, имже правда Божия возсияет;

радуйся, имже льстивая прелесть исчезнет.

Радуйся, безнадежно падших воззвание;

радуйся, студных скверн избавление.

Радуйся, высоту девства и кротости;

радуйся, глубину умнаго сердца.

Радуйся, на руку носимое Троицы обиталище;

радуйся, Россию имущий в руке твоей.
Радуйся, звезда, являющая Солнце Второго
Пришествия;
радуйся, сосуде домостроения Божия.
Радуйся, имже обновляется Святая Русь;
радуйся, имже живи становимся.
Радуйся, царевиче Алексие, защитниче теплый
целомудрия.

Кондак 2

Видяще Новый Израиль себе в блудной
нечистоте, глаголет Создателю своему в мрачном
отчаянии: согрешихом на Небо и пред Тобою, и
несмы достойни нарещися сыны Твои, обаче зря
агнца русскаго, вземлющаго грехи народа, абие
вопиет: Аллилуиа.

Икос 2

Разум недоразумеваемый разумети младенец
ищай, горце вопияше: почто не можно есть быти
ми, якоже и прочим чадом? Кто убо ответит
ему? Мы же книгу Исаии разгнувше, слышим
пророческое:
Радуйся, яко ты еси пред Богом яко корень в
земли жаждущей;
радуйся, яко не имаше вида, ни доброты.
Радуйся, яко в болезни умален паче всех сынов
человеческих;
радуйся, яко ты человек в язве сый и ведый

терпети болезнь.

Радуйся, яко носиши наша грехи и о нас
болезнуеши;

радуйся, яко нами вменен быти в труде и язве
от Бога и во озлоблении.

Радуйся, яко язвен бысть за грехи наша;
радуйся, яко язвою твоею мы изцелехом.

Радуйся, иже яко овча на заколение ведесе;
радуйся, иже яко агнец пред стригущим его
безгласен.

Радуйся, яко во смирении твоём суд твой
взятся;

радуйся, яко вземлется от земли живот твой.

Радуйся, царевиче Алексие, защитниче теплый
целомудрия.

Кондак 3

Сила Вышняго осени тогда к самоотречению
супруг Богодохновенных царственных: егда
видяще сына своего стесняема от пестунов
страха ради смертнаго, паче убояхуся
душевредия, неже страдания телеснаго,
дерзновенно поюще: Аллилуиа.

Икос 3

Имея Богоприятное сердце царевич, страданием
многолетним удобренное, востече к венцу
мученическому. Отрок же Авраамль, ему же имя
Исаак, на лоне отца веселяся о царевичи,

играньми, яко песньми вопияше сему:
Радуйся, яко тобою искушаше Бог отца твоего;
радуйся, сыне единородный и паче всех
возлюбленный.

Радуйся, яко ты еси всесожжение за грехи
народа твоего;
радуйся, яко на руку отца несенный на
заколение.

Радуйся, наказание телесное народа твоего
отменяяй;
радуйся, наказание телесное на себе понесый.
Радуйся, возлюблен быв Отцем, Иже на Небесех;
радуйся, яко егоже любит Отец, наказует.

Радуйся, четырнадцать лет влекущий дрова,
еже во всесожжение;
радуйся, яко хврастие сие грехи народа
русскаго суть.

Радуйся, благоволение Божие Новому Сиону;
радуйся, стено плача русскаго.

Радуйся, царевиче Алексие, защитниче теплый
целомудрия.

Кондак 4

Бурю внутрь имея помышлений сумнительных о
предании царства сыну: достоит ли златницу
сию дати князю мiра сего: Дамы или не дамы? -
осклабься вопрошаху иродиане новые: Дадите
кесарю кесарево - рече государь: Сей же Божий

есть человек, принесется Богови, Ему же поем:
Аллилуиа.

Икос 4

Слышавше пастыря православнаго, иже прежде
баше чужестранный учитель твой,
непреложность бытия Божия чрез житие твое
осязавша, по венце же твоём ангельский образ
приявшаго, восхвалим Христа Бога нашего, и
камене превращающа пети о царевичи:

Радуйся, агнце и пастыре;

радуйся, кремль молящихся ти.

Радуйся, блудных бесов мучение;

радуйся, дверей Царствия отвержение.

Радуйся, земная наша в Небесная превращаяй;

радуйся, очи наши Небу отверзаяй.

Радуйся, младенцев безсловесных немолчная
уста;

радуйся, отроков о чистоте непреклонная
дерзосте.

Радуйся, камене, Голиафа мысленнаго
поражаяй;

радуйся, адаманте диадимы Христовой.

Радуйся, имже рассыпаются страхования отцев;

радуйся, тишина и покой для матерей.

Радуйся, царевиче Алексие, защитниче теплый
целомудрия.

Кондак 5

Боготечною звездою явилось есть житие твое, дние его быша мали и зли: пождан был еси десять лет, пожил же еси вмале более, обаче озарил еси светом утешительным подвиг родителей твоих, иже именоваша тя, якоже мать прежде, лучем солнечным, Бога благодаряще: Аллилуиа.

Икос 5

Видеша чужестраннии и инославнии на руку пестуна будущаго владыку державы русския, прошибахуся сердца их зрети славу Божию, в немощи совершающуюся, яко и пети сим:

Радуйся, егоже душа в руке Божией;
радуйся, егоже души не прикоснется мука вечная.

Радуйся, непщеванный бысть во очесех безумных умрети;

радуйся, яко вменися во озлобление исход твой.

Радуйся, яко аще и муку приял еси, упование твое безсмертия исполнено есть;

радуйся, вмале наказан быв, великими благодетельствован был еси.

Радуйся, яко Бог искуси тя, и обрете тя достойноа Себе;

радуйся, яко Бог искуси тя, яко злато в горниле.

Радуйся, егоже Бог яко всеплодие жертвенное приял есть;

радуйся, возсиявый во время посещения Твоего.
Радуйся, яко Богосветлою искрою по стеблию
лозы Христовой потекл еси;
радуйся, яко в тебе воцарися Господь во веки.
Радуйся, царевиче Алексие, защитниче теплый
целомудрия.

Кондак 6

Проповедник благовестный бысть воспитатель
твой, Петр неколеблемый, возвратися во
отечество, скончав подвиг свой, и проповеда тя
по обетованию Царства Христова наследника,
всех пети научая сице: Аллилуиа.

Икос 6

Возсиявый в вавилоне новем, прежней Руси
Святей, истину Божию власти праведныя,
тысящелетняя плетения попрал еси: о тебе
всякая лесь сия паде: мнози убо, не ведущи о
тебе ничесоже, но токмо зряще лик твой,
благосердый плач зачинают, поюще:

Радуйся, сыне великомучеников;

радуйся, внуче царя-миротворца.

Радуйся, правнуче царя-освободителя;

радуйся, наследниче крамолы победителя.

Радуйся, благословение старца Феодора;

радуйся, страстотерпца Павла императора
преемниче.

Радуйся, твердостью воли праотцу Петру

Великому подобящийся;
радуйся, тишайшему царю тезоименный.
Радуйся, материю основателя Дома твоего
предреченный;
радуйся, новый царевич углический.
Радуйся, Андрея Боголюбиваго сродниче;
радуйся, Бориса и Глеба рождие.
Радуйся, царевиче Алексие, защитниче теплый
целомудрия.

Кондак 7

Хотящу Иоанну, венчающему и затворяющему
Град Божий на земли нашей от нынешняго века
преставитися прелестнаго, озарил еси сего
пренебесным Светом от купели твоея, младенче
царевиче, сей же умныма очима восприемля
сие: Свет Христов просвещает всех, вопиял есть
в сердце своем, в Горний Алтарь вознося Свет
твой, поя, вопия, взывая и глаголя: Аллилуиа.

Икос 7

Новую мученицу царицу Александру тобою
показа Христос Бог, новаго человека Божия тя
являя, Новую Землю и Новое Небо отверзая нам.
пети понуждая сие:
Радуйся о Господе, облече бо тя в ризу спасения;
радуйся, яко Бог возложи ти венец и украси тя
красотою.
Радуйся, источающий благодать, яко миро на

главе, сходящее на браду Аарону;
радуйся, подающий благодать тебе молящимся.
Радуйся, сильне, препоясующий меч твой по
бедре твоей;
радуйся, наляцающий, успевающий,
царствующий истины ради и кротости и
правды.
Радуйся, непорочен бо путь твой, и на высоких
поставляет тя Бог;
радуйся, яко Бог прослави тя десницею
крепости.
Радуйся, яко десница Божия по молитве к тебе
сокрушает враги;
радуйся, прежде рождения, по рождении и по
смерти в руке Божией пребываяй.
Радуйся, побеждаяй, наследуяй Божия;
радуйся, сыне Божий по благодати.
Радуйся, царевиче Алексие, защитниче теплый
целомудрия.

Кондак 8

Странное чудо о тебе видевшие, устранимся мiра,
ум на Небеса преложше: како до четвертаго
рода по убиении твоём, в песнях, книгах, в
мыслях и на сердце народа твоего, по
запрещении помнити тя, очи твои, во образе
некоего отрока, неотступно рекут нам: кровь
твоя, о царевиче, на нас и на чадах наших. О

покаяния новаго, помилуй нас пети тобою:
Аллилуиа.

Икос 8

Весь бе в Вышних, и нижних никакоже отступи,
о капле последняя долготерпения Божия:
нарцйте Алексием мя, рекл еси клеветом
твоим, аще ли же пестунов узрите, глаголите:
Алексий Николаевич, аще же узрите царя,
именуйте: Ваше Императорское Высочество. О
царевиче мучениче: ты сам веси имя коегождо
от нас: помяни нас в молитвах Богу твоему:
поющих:

Радуйся, непорочный во всем житии твоём,
ходящий в законе Господни;

радуйся, испытующий свидения Его, всем
сердцем взыскавый Его.

Радуйся, юнейший, сохранивый словеса Божия,
путь свой исправивый;

радуйся, наученный оправданиям Божиим, за
вся благодаривый Господа.

Радуйся, яко слово Божие бысть в страх твой;

радуйся, утешенный во смирении твоём словом
Божиим, живящим тя.

Радуйся, в нощи страданий твоих помянувый
Имя Божие;

радуйся, причастник всем боящимся Господа и
хранящим заповеди Его.

Радуйся, смирен быв Господом, яко научися

оправданием Его;

радуйся, яко возвеселилися о тебе суть вси боящиеся Господа.

Радуйся, яко присно жива душа твоя, и Господа хвалит;

радуйся, взысканный Господом, о нем же радуются легионы ангелов.

Радуйся, царевиче Алексие, защитниче теплый целомудрия.

Кондак 9

Всякое естество ангельское удивися великому твоему смирению: егда извещен был еси об отречении святаго отца твоего, ниже единым словом спросил еси о порфирородных правах твоих, человеце Божий: обаче первое слово твое о России бысть, темже умоли Троицу Святую, Ейже предстоиши ныне, сохранить нам русскость нашу сиречь Православие, поюще Богу: Аллилуиа.

Икос 9

Ветия многовещанная, яко рыбы безгласная, видим о тебе, царевиче: хотяще оклеветати тя, якоже отца и мать твоих, ничтоже успевают: Бог бо сохрани тя неприкосновенна от лести бесовския, темже молим тя сице:

Радуйся, яко аще не станут премудрии, яко ты, не внидут в Царство Небесное;

радуйся, яко не избра Господь премудрии и сильнии, но ты избра.

Радуйся, суемудрыя студа исполняющий;
радуйся, словоблудныя потоки изсушающий.

Радуйся, яко тобою лютые взыскателие посрамляются;

радуйся, смрад новейших баснотворцев проявляющий.

Радуйся, иудейския плетения растерзающий;
радуйся, души наша миром исполняющий.

Радуйся, неведение умное теплотою сердечною превращающий;

радуйся, разум в вере неколеблем утверждающий.

Радуйся, чадо, отцев укрепляющее;

радуйся, блудных сынов за покаяние отцовства сподобляяй.

Радуйся, царевиче Алексие, защитниче теплый целомудрия.

Кондак 10

Спасти хотя мир тысящелетний на земли сей устрояемый, многожды снисходил отец твой блудному народу: последи же ты в свое место предложил есть, да устыдятся сына: ты же в страдании навыкл еси, темже и страждущим и обремененным грехи многими заступник быти вождедел еси, Богу зовый: Аллилуиа.

Икос 10

Стена еси младенцем, отроком и отроковицам ты, о царевиче, гной и смрад мерзостей содомских нетрудно изгоняющий, иго благое и бремя легкое в сердца водворяющий, глас хлада тонка, воню райскую слезоподательную нам туне дарствующий, да благодарим:

Радуйся, ратного отечестволюбия образе;
радуйся, воинского целомудрия начертание.

Радуйся, детская чистоты благородие являющий;

радуйся, чад увечных царских венцев за терпение сподобляяй.

Радуйся, отроков воинов мучеников новых созидающий;

радуйся, юнейший ратник в войске отца твоего.

Радуйся, архистратиже всех чад убиенных;

радуйся, противу блудных прилогов поборствуйай.

Радуйся, угрожаемых от насилия сохраняяй;

радуйся, тепле кающимся целомудрие возвращаяй.

Радуйся, безвинно девство иждивших невесты претворяяй;

радуйся, глумящихся материнству и девству страданием очищаяй.

Радуйся, царевиче Алексие, защитниче теплый целомудрия.

Кондак 11

Пение всякое побеждается, спростретися
тщашеся простерту ти множицею лютою язвою
твоею, наконец же простерту ти суцу в подклете
дома Ипатиева посреде державы твоея, надолзе
закалаему, не могущу абие умерети. О чада
сладчайшего! О славы русския! О лепоты
неприступныя! Како вдался еси
христоненавистником, спростретися тцацийся
на Кресте простерту Богу твоему, Емуже поем:
Аллилуиа.

Икос 11

Светоприемную свещу сущему во тьме скорби по
убиенному сыну воеводе альбионскому зрим тя,
царевиче: невестественный бо вжигая огонь,
состраждеши сему: не должно ти быти единому
в час сей - глаголеши, соседя ему, научая нас
пети тебе:

Радуйся, во страдании жизнь свою истощивый;
радуйся, сострадание нам источаяй.

Радуйся, великомучениче в житии твоем;
радуйся, обретший очи зрети страдание
ближняго.

Радуйся, царскую порфиру кровию твоею
обаграяй;

радуйся, в скиптра место крест приемляй.

Радуйся, кровь твою, яко алавастр мира Христу
приносяй;

радуйся, неисцельныя болезни легче исцеляяй.
Радуйся, за царство земное Небесное Царство
приемый;

радуйся, вразумляяй земное отечество любити,
да Небеснаго сподобимся.

Радуйся, аще и пресечеся тобою род твой;
радуйся, рождая нас в Жизнь Вечную.

Радуйся, царевиче Алексие, защитниче теплый
целомудрия.

Кондак 12

Благодать дати восхотев чадом, аще и
неверным, Отец Небесный открывает нам
сияние крестной славы твоея, да усраммимся
новаго сего мученика-царевича, сей же сквозе
все житие распинаем быв грехми народа
русскаго, присно поет: Аллилуиа.

Икос 12

Поюще твое рождество третье, хвалим тя вси,
храме одушевленный воскресения нашего:
веселят бо страдания твоя нас ничесоже бояться
кроме утраты любве Христовой, научающе в
малых скорбех наших пети тебе:

Радуйся, младенческим незлобием мученический
венец преукрасивый;

радуйся, загражденными усты обличаяй
жестосердие христоненавистников.

Радуйся, яко уверение истинныя веры

являешься;

радуйся, потоком крови твоея доньне
заграждающий потоки беззакония.

Радуйся, древним седми Маккавеям твердостью
души уподобивыйся;

радуйся, мудре на отроковицы Веру, Надежду и
Любовь взираяй.

Радуйся, истрезвляющий нас к безстрашному
свидетельству Истины;

радуйся, яко нам заступление суть честная
страдания твоя.

Радуйся, яко ты еси израильтянин истинный, в
нем же льсти несть;

радуйся, яко сего ради убиен бысть за Христа.

Радуйся, долгоумиранием злону жидовскую
истощивый;

радуйся, изливанием крови твоея Церковь
благодатию наполняяй.

Радуйся, царевиче Алексие, защитниче теплый
целомудрия.

Кондак 13

О страсотерпче четыренадесятолетний
царевиче Алексие! Егда ты возсмеявался еси во
тьме, самодвижныя картины созерцая, вси
сущии окрест тебе обращахася во еже зрети тя:
зане в страданий место радость осеняющая тя
бысть якоже смех Сарры, якоже радость царицы
Елены, егда обрете Честный Крест, и якоже

радость матере твоея, егда родитися тебе.
Помолися Владыце и Богу твоему не лишитися и
нам радости оныя, слезами покаяния даруемой,
да будет о нас радость ангелов вящшая неже о
девятидесяти и девяти незаблуждших овцах, да
и о нас ты возможеша пети Богу: Аллилуиа.
Сек Кондак глаголи трижды. Посем же паки 1-й
Икос и 1-й Кондак.

Молитва

О страсотерпче святыи царевиче Алексие! О
новый Димитрие царевиче, якоже и сей, Дом
свой заключающий! О Гавриилу Белостокскому
и прочим младенцем, жидов обличителем,
подобящийся! О Артемию отроку, народом
пренебрегаему, последующий! Известны мы, яко
ополченное войско, окруженное, тобою из топи
непроходимыя невозбранно изведено бысть. Сии
же изводимии, священнику, дерзновением
фесвитяину Илии подобному, запинаху молити
тя о спасении, не сушу ти людьми прославленну.
Се ныне зриши царство твое, о нем же глагола
еси: Егда аз буду царь, не будет лжи окрест мене
- днесь царство отца лжи является, за еже доселе
не царствуеши ты в сердцах народа твоего. Сам
убо, о царевиче, прииди и стани zde с нами,
уцеломудри нас, аще и не волящих: ты еси врач
изрядный, ведящий более нас потребная ко

спасению нашему. Ве мы сострадание твое, ве мы кротость твою, ве мы любви твою к народу твоему: помози в долгонедужии сущим людем твоим, не попусти любвеоставленной быти прежде Святей Руси, но сам яко веси, прими дерзновение во спасение наше. Аминь.

